







## Projekat IPA Annex VII



Podrška održivim rješenjima iz „Revidirane strategije za implementaciju Aneksa VII Dejtonskog mirovnog sporazuma“ je projekat vrijedan 8.1 milion eura. Finansira ga Evropska unija u iznosu od sedam miliona eura, a sufinansira i realizuje UNHCR. Cilj projekta je da pomogne u rješavanju socijalnih i ekonomskih izazova najmanje 2.400 ugroženih interno raseljenih osoba i povratnika, uključujući žene-žrtve rata, kroz usku suradnju lokalnih vlasti, lokalnih zajednica, civilnog društva i projektnih partnera. Zajedno sa lokalnim vlastima, projektni partneri identifikuju potrebe interno raseljenih osoba i povratnika u cilju jačanja njihove socijalne zaštite i inkluzije i osiguranja zdravstvene zaštite za starije, obrazovanja za djecu, pravne pomoći, psiho-socijalnog savjetovanja i boljih stambenih uvjeta.

### Koja pomoć se pruža povratnicima i interno raseljenim osobama u 10 partnerskih općina?

-  Općinski planovi za socijalnu inkluziju i zaštitu
-  Besplatna pravna pomoć za 500 ljudi
-  Podrška za održivost najmanje 480 porodica
-  Stambena rješenja za 125 porodica
-  Osnovna i specifična pomoć za 300 djece i porodica
-  Kućna zdravstvena njega za 200 starijih osoba

Projekat je počeo 2014. godine i realizovat će se do 2016. godine u Bijeljini, Bosanskom Petrovcu, Derventi, Foči, Gradišci, Maglaju, Mostaru, Prijedoru, Živinicama i Brčko Distriktu. Projektni partneri su: UNHCR, Ministarstvo za ljudska prava i izbjeglice Bosne i Hercegovine, entitetska, kantonalna i ministarstva Brčko Distrikta, kao i partnerske općine, Razvojni program Ujedinjenih naroda (UNDP), Fond Ujedinjenih naroda za djecu (UNICEF), Međunarodna organizacija za migracije (IOM), Hilfswerk Austria International (HWA), Bosanski humanitarni logistički servis (BHLS), Fondacija lokalne demokratije (FLD) i Udruženje Vaša prava BiH (VP).

## Projekat „Birač“

UNHCR je također uključen u „Projekat za razvoj i saradnju u regiji Birač“. To je zajednička inicijativa UNDP-a, UNICEF-a i UNHCR-a, koja se nadograđuje na već realizovanu i postojeću podršku datu općinama Bratunac, Milići, Srebrenica, Šekovići, Zvornik i Vlasenica, te potiče na međuopćinsku i regionalnu suradnju kako bi se pružila podrška partnerskom pristupu od dna prema vrhu, radi razvoja i poticanja teritorijalne povezanosti. Ovim pristupom rukovode lokalne akcione grupe (LAG) koje se sastoje od predstavnika lokalnih javnih i privatnih društveno-ekonomskih interesa. Projekat počiva na zajedničkoj regionalnoj integrisanoj razvojnoj strategiji, osmišljenoj da vodi računa o lokalnim potrebama i potencijalima, te da potakne aktivni angažman svih aktera u ostvarivanju zajedničkog regionalnog razvojnog programa.

Uz LEADER metodologiju će se primijeniti i programski pristup zasnovan na ljudskim pravima, u smislu socijalne zaštite i inkluzije. Projekat finansira Vlada Nizozemske (u iznosu od 2.1 milion dolara), a sufinansiraju općine (u iznosu od 300.000 dolara). Očekivani rezultat je identifikovanje manjinskih povratnika i zajednica tako da njihove potrebe mogu biti rješavane kroz socijalne i razvojne planove. Uloga UNHCR-a u ovom projektu je ograničena na savjetodavne usluge, bez budžetske komponente.

## Projekat OPEC

Kreditom OPEC Fonda za međunarodni razvoj (OFID) u iznosu od sedam miliona dolara će se sufinansirati rekonstrukcija približno 400 stambenih jedinica, čime će se stambeno zbrinuti oko 1500 ljudi i pomoći njihova reintegracija u domaće društvo. Dva BiH entiteta i Brčko Distrikt sufinansiraju projekat sa jedan milion dolara, u cilju osiguranja trajnih rješenja za izbjeglice i raseljene osobe, naročito pripadnike manjina, koji se vraćaju, u svim dijelovima zemlje. Projekat se sastoji od tri komponente: rekonstrukcije stambenih jedinica, subvencije i troškove rada i revizije. Projekat je počeo 2013. godine, a realizovat će se u 45 općina u Federaciji BiH i Republici Srpskoj, kao i u Brčko Distriktu, do kraja 2015. godine.



*Aneks VIII Dejtonskog mirovnog sporazuma, nakon 20 godina:*

# Rješenja su na vidiku!

...ali ostalo je još mnogo posla...



BOSNIA AND HERZEGOVINA  
Ministry for Human Rights and Refugees  
BOSNA I HERCEGOVINA  
Ministarstvo za ljudska prava i izbjeglice  
БОСНА И ХЕРЦЕГОВИНА  
Министарство за људска права и изbjеглице



**Svjetski dan izbjeglica 2015.**

**Projekti koji pomažu izbjeglicama, interno raseljenim osobama i povratnicima u Bosni i Hercegovini u iznalaženju trajnih rješenja\***





**Semih Borovac**  
Ministrica za ljudska  
prava i izbjeglice  
BOSNA I HERCEGOVINA

**Andrew Mayne**  
Regionalni  
predstavnik za  
jugoistočnu Evropu i  
predstavnik za Bosnu i  
Hercegovinu  
UNHCR

**Dvadeset godina od okončanja sukoba u BiH**, izbjeglice, interno raseljene osobe i povratnici se i dalje suočavaju sa brojnim problemima, koji sprječavaju njihovu efikasnu socijalnu inkluziju i nastavak života u normalnim okolnostima. UNHCR pomaže vlastima Bosne i Hercegovine da nađu održiva rješenja, bilo kroz direktni plasman projektnih fondova ili putem zalaganja ili izgradnje kapaciteta u cilju rješavanja većine potreba. Rekonstrukcija/stambena pitanja, povrat imovine, elektrifikacija, infrastruktura, zdravstvo, socijalno i penzijsko/invalidsko osiguranje, obrazovanje, rad i zapošljavanje i sigurnost su održivi elementi na

kojima radi UN-ova Agencija za izbjeglice, u suradnji sa Vladom i lokalnim vlastima, međunarodnom zajednicom i civilnim društvom, posredstvom niza projekata koji pokazuju pravi put i ukazuju na to da su **rješenja na vidiku!**






## Regionalni stambeni program



Zajednički regionalni program trajnih rješenja za izbjeglice i raseljene osobe poznat kao Regionalni stambeni program (RSP) potiče od tzv. Sarajevskog procesa, koji je osigurao politički okvir za okončanje regionalnog aspekta raseljenja na zapadnom Balkanu. Četiri partnerske zemlje koje učestvuju u tom procesu – Bosna i Hercegovina, Crna Gora, Hrvatska i Srbija – ulažu napore kako bi osigurale trajna rješenja za ljude koji su raseljeni zbog sukoba iz 1991-1995. godine te zbog sukoba u bivšoj Jugoslaviji iz 1999. godine. RSP je osmišljen da osigura stambena rješenja za 74.000 ljudi u regiji, a BiH segment pokriva 14.000 raseljenih u zemlji. Predviđeno je da RSP osigura trajna stambena rješenja u BiH za 5.400 porodica ugroženih izbjeglica, interno raseljenih osoba i povratnika.

Ovu regionalnu inicijativu, kao dio cjelokupnog Sarajevskog procesa, odobrava međunarodna zajednica, između ostalih Evropska unija koju predstavlja Evropska komisija, SAD, Razvojna banka Vijeća Evrope (CEB), UNHCR i OSCE, u skladu sa njihovim specifičnim mandataima koje imaju u BiH i u okviru postojećih kapaciteta. RSP finansiraju: Evropska komisija, SAD, Njemačka, Italija, Norveška, Švicarska, Danska, Turska, Luksemburg, Kipar, Rumunjska, Češka Republika, Slovačka Republika i Mađarska. BiH kontingent predviđa 86 miliona eura u stranim donacijama i 15 miliona eura u doprinosima države.




### Koja stambena rješenja su na vidiku?

-  Izgradnja 900 stanova
-  Podjela 20 paketa građevinskog materijala
-  Rekonstrukcija 4.050 kuća
-  Rekonstrukcija 350 stanova
-  Socijalno stanovanje za 80 osoba

### Ko upravlja, podržava i finansira RSP?

U BiH je vodeća institucija za realizaciju RSP-a Ministarstvo za ljudska prava i izbjeglice Bosne i Hercegovine, uz podršku Federalnog ministarstva za raseljene osobe i izbjeglice/Ministarstva za izbjeglice i raseljena lica Republike Srpske i Odjela za raseljene osobe, izbjeglice i stambena pitanja Brčko Distrikta.

### Ko će imati koristi od ovog projekta?

- 1.700 izbjeglica iz Hrvatske** 
- 5.000 povratnika iz Hrvatske i Srbije** 
- 7.300 interno raseljenih osoba** 

\* Pored predstavljenih projekata, Ministarstvo za ljudska prava i izbjeglice Bosne i Hercegovine provodi i brojne druge programe namjenjene iznalaženju održivih rješenja za raseljene osobe.



## CEB II Project

Životni uvjeti u brojnim kolektivnim centrima i alternativnom smještaju u BiH su neadekvatni i neophodno je iznaći rješenja koja su krojena po mjeri njihovih stanara, jer su mnogi od njih ugroženi, stariji, osobe s osebnim potrebama i žene-žrtve rata. Rješenja će uglavnom obuhvatati neprofitno socijalno stanovanje i smještaj u gerijatrijskim i drugim specijalizovanim institucijama. UNHCR se zalaže i za održivost ovih rješenja, uključujući zadovoljavajuće rješenje statusa i pristup pravima.

### Glavni cilj projekta

Glavni cilj projekta „Zatvaranje kolektivnih centara i alternativnog smještaja kroz osiguranje javnih stambenih rješenja“, poznat kao „projekat CEB II“ je ponovno stambeno zbrinjavanje ugroženih stanara iz 121 (72% od ukupnog broja) kolektivnog centra i alternativnog smještaja u 46 općina širom Bosne i Hercegovine, do 2019. godine. Prema podacima iz 2010. godine, 7.247 osoba je stanovalo u kolektivnim centrima i alternativnom smještaju koji treba da se zatvore, od ukupno 8.547 osoba koje su u to vrijeme bile smještene u kolektivnim centrima i alternativnom smještaju u BiH.


## Kanton 10 projekat



„Stabilizacija zajednica u Kantonu 10 putem koncepta ljudske sigurnosti“ je projekat osmišljen za Kanton 10 u Federaciji BiH, u svrhu stabilizacije zajednica, uz primjenu koncepta ljudske sigurnosti, te kroz postizanje pet ciljeva: snažno partnerstvo sa lokalnim vlastima, povećanje kapaciteta kantonalnih i općinskih upravnih organa za pružanje socijalnih usluga, prevencija diskriminacije u obrazovanju, smanjivanje rizika od mina, jednake mogućnosti za zapošljavanje i ekonomska održivost.

Projekat finansira Fond Ujedinjenih naroda za ljudsku sigurnost (UNTFHS) i sufinansira Kanton, i njegova ukupna vrijednost je 2.5 miliona dolara (vrijednost UNHCR-ove komponente je 160.500 dolara). Projekat je započeo 2013. godine i okončat će se 2016. godine. Realizuje ga tim koji čine UNDP (kao vodeća agencija), UNICEF, UNHCR i IOM, a cilj mu je da identifikuje i osigura pomoć za 2.500 ugroženih manjinskih povratnika i zajednica.

### Gdje će projekat biti implementiran u BiH?



### Ko finansira i realizuje projekat?

Razvojna banka Vijeća Evrope (CEB) je za ovaj projekat državi dala kredit u iznosu od 60 miliona eura. Država daje svoj doprinos projektu sa 42.7 miliona eura (u gotovini i naturi), a UNHCR će dobiti 1.5 miliona eura bespovratnih sredstava od CEB/WBIF-a za tehničku podršku i administrativne usluge struktura koje rade na realizaciji ovog projekta do kraja 2017. godine, kao i podršku za verifikaciju korisnika projekta. Među izvršnim partnerima je i BiH Ministarstvo za ljudska prava i izbjeglice, sa podrškom lokalnih vlasti.



## Projekat Saudijskog fonda za razvoj

Kreditom Saudijskog fonda za razvoj u iznosu od 15 miliona dolara će se sufinansirati rekonstrukcija stambenih jedinica, infrastruktura i socijalna infrastruktura kako bi se osigurala trajna rješenja za oko 1.000 izbjeglica i raseljenih osoba i njihovih porodica koji se vraćaju, u svim dijelovima zemlje. Projekat je počeo 2013. godine, a realizovat će ga nadležni organi Federacije BiH i Republike Srpske, kao i Brčko Distrikta, u 45 općina. U nekim slučajevima, projekat realizuju općine, na njihov zahtjev, kako bi se osigurala najefikasnija i najekonomičnija realizacija.